

特32

278

163

大略附三
卷之五
南宋
西

東京圖書館

函

三

架


一

號

部

類

上
康田久道編
大
十八史略
附
三史略
五



漢代歷代十八史略卷之五附三史畧

言梁 藤田久道 編次

岳陽 增田貢 校正

宋傳九帝共一百六十八年

太祖姓趙名匡胤涿郡人受周禪都汴以火德王

改元建隆年三乾德年五開寶年九在位十七年○周

世宗時帝為都指揮使屢從征伐有功世宗嘗

于文書囊中得水長三尺題云點檢作天子時

張承德為殿前都點檢世宗以帝代之契丹入

寇帝禦之師次陳橋驛將士以主上幼弱欲帝

黃袍加身

陳搏

漢唐主降

罷節鎮

趙普相

論語半部之用

雪夜至普

曹彬不嗜殺

好官得錢

為天子以黃袍加帝身遂廢恭帝即位華山陳搏曰天下定矣○帝命潘美伐南漢南漢主劉鋹降命曹彬伐南唐南唐主李煜降○五代以下藩鎮強盛帝以漸削之罷諸節鎮專用儒臣分理郡國以革節鎮之橫○初帝與趙普交好至是任為相普寡學術帝勸之讀書遂手不釋卷後謂太宗曰臣有論語一部以半部佐太祖定天下以半部佐陛下致太平帝嘗雪夜至普家普妻行酒○曹彬為將不伐功不嗜殺帝嘗謂之曰本欲以卿為使相姑待之賜錢五十萬

杜太后命

燭影斧聲

范質欠一死

王昭素

彬退曰人生何必使相好官不過多得錢耳○初杜太后疾革謂帝曰柴家以幼兒為主故敗百歲後當傳位光義光義傳光美光美傳德昭顧趙普為誓書藏之德昭太子○帝不豫后遣王繼恩召皇子德芳繼恩徑召晉王王至遙見燭影下晉王時或離席若避遜狀既而帝引柱斧戳地大聲曰好為之而崩丘瓊山曰燭影斧聲○范質事二姓晉王光義嘗得其死則太宗害之說似非誣矣○范質事二姓晉王光義嘗曰宰相中質可謂廉節但欠世宗一死耳○王昭素處有學行帝問以治世養身之術對曰治

對治世養身之

世莫若愛民養身莫若寡慾○帝嘗曰朕嘗夙
夜畏懼防非窒慾庶幾以德化人之義

太宗名光義更名炅太祖之弟改元太平興國年

雍熙四年端拱二年淳化五年至道三年在位二十二年

壽五十九歲○命潘美伐北漢尋親將圍太原

北漢主劉繼元降○帝欲復取晉石敬瑭賂遼

幽薊十六州地自將攻幽州大敗而還○帝以

風化之本孝弟為先或不順父兄異居別籍者

御史臺及所在糾之○帝勤于讀書或以太勞

為言帝曰開卷有益○先是帝平太原遂伐遼

勤讀書

孝弟為先

幽州敗

北漢下

軍中夜驚

德昭隨行軍中嘗夜驚不知帝所在有謀立德

昭者帝不悅及還以伐遼不利不行太原之賞

德昭因言之帝怒曰待汝自為之賞未晚也德

昭退而自刎帝嘗以杜太后傳國意問趙普普

曰太祖已誤陛下豈容再誤普又言盧多遜相

與廷美交通流多遜崖州貶廷美為涪陵公安

置房州廷美以憂卒廷美先名光美後改名○帝作開寶

寺塔費億萬計田錫知制誥上書云衆謂金碧煒

煌臣以為塗膏費血○帝命曹彬等分道伐契

丹彬兵大敗自是契丹連年入寇女真亦遂臣

塗膏費血
曹彬敗

廷美憂死

容再誤

德昭自刎

東坡志林卷之五

九賢相

小人相

附於契丹○薛居正沈義倫趙普宋琪李昉呂蒙正張齊賢呂端等相繼為相帝世以小人為相者盡多遜一人而已

真宗名恒太宗子改元咸平六年景德四年大中祥符

九年天禧五年乾興一年在位二十五年壽五十二歲

廢元佐

○初太宗長子元佐以廷美死力救不能遂發狂疾太宗廢之立元侃為太子更名恒至是王

繼恩宣政使等謀立元佐李皇后從之召呂端相

呂端定大事

端知有變鎖繼恩書閣乃奉太子即位太子垂

簾引見羣臣端立不拜捲簾審視然後率羣臣

李沆真貴人

拜焉太宗嘗曰端大事不糊塗○李沆相為學士時太宗嘗

曰風度端凝真貴人也帝詔立劉美人為貴妃

引燭焚招

沆引燭焚之謂中使曰但道臣沆以為不可事

遂寢沆嘗取災盜惡逆事以聞帝慘然王旦相

人主當懷憂懼

謂不足煩上聽沆曰人主當知四方艱難常懷

憂懼不然聲色犬馬土木甲兵之事作矣沆沒

帝以契丹和西夏服遂封岱祠汾營宮觀旦見

封岱祠汾

王欽若丁謂所為無如之何歎曰李文靖沆諡文靖

李文靖聖人

聖人也時欽若謂與陳彭年學士劉承珪官林特

五鬼九尾狐

三司使號五鬼彭年又號九尾狐寇準相嘗薦丁

燕前旋馬

幸澶淵

南兄北弟

居率大功

謂沈曰謂可使在人上乎準曰公能抑之在下乎沈曰他日當思吾言沈治第門內廳事前僅容旋馬○契丹寇澶淵寇準請帝幸澶州及渡河遠近望見御蓋踴躍呼萬歲契丹氣奪帝以軍事付準契丹懼而請和準欲邀契丹稱臣獻地會有譖準幸兵自重者準乃許契丹和契丹誓書來以南朝為兄北朝為弟盟而退準與畢士安同心輔政故能有功陳璘嘗曰當時無準天下必分南北使其靖盡用豈有靖康之禍時王欽若妒準言于帝曰城下之盟春秋所耻澶淵之舉何耻如之準以陛下為

孤注

北門鎖鑰

得天書

孫奭

王祐植槐

王旦相業

孤注也盡財賭博由是帝顧準衰罷知天雄軍契丹使過大名問準曰公何不在中書準曰上以朝廷無事北門鎖鑰非準不可耳○王欽若勸帝封禪帝曰恐王旦不可欽若言于旦旦勉從之帝賜旦樽酒發封皆美味也於是帝得天書其文甚荒誕孫奭制曰天何言哉安有書也欽若奏泰山醴泉出獻芝數萬本於是帝封泰山○初王祐侍郎植三槐于庭曰後世必有為三公者已而旦生至是為相契丹嘗請歲給外別假錢幣旦請以歲給內銀絹各借三萬諭次年

破遼夏之請

準服旦

東南民力竭

真宰相

悔不諫天書

向敏中無賀

容

除之契丹大慙西夏趙德明以民饑求糧百萬斛旦請具粟京師詔德明來取德明遂止寇準數短旦于帝旦專稱準後旦薦準同平章事準愧服帝嘗欲相欽若旦曰祖宗朝南人無當國者旦死欽若相曰為王公遲我十年作宰相薛奎為江淮發運使辭旦旦曰東南民力竭矣張士遜為江西轉運使辭旦旦曰朝廷權利至矣人謂真宰相言劉承珪求節度帝詔旦曰承珪待此以瞑目旦執不可旦臨終以不諫天書遺命諸子削髮披緇以殮○帝嘗除向敏中僕射

魏野不至

賜林逋粟

薛奎正直

劉太后聽政

拂鬚

貶寇準

意敏中必喜賀客必多使人矚之敏中門闌悄然○帝嘗召隱士魏野不至野居陝之東郊帝命工圖其所居觀之又賜隱士林逋粟帛逋居杭州之孤山將死賦詩有云茂陵他日求遺稿猶喜曾無封禪書○薛奎正直每志不伸輒嗟歎不已曰吾仰慙古人俯愧後世○帝崩仁宗立劉太后垂簾聽政丁謂結內侍雷允恭倚勢作威謂初因寇準得進事準甚恭嘗會食中書羹污準鬚謂起拂之準曰參政乃為官長拂鬚耶謂憾之至是謂誣準與李迪相朋黨貶迪衡

居停主人

讀霍光傳

詩藏

王曾相

眼前丁

州貶準雷州王曾言貶責太重曾嘗假準第舍

謂熟視之曰居停主人恐亦不免初張詠州知益

嘗勸準讀霍光傳以其不學無術也準卒于雷

州準之行也閱圖經見州東南至海十里歎曰

吾平生有詩云到海只十里過山應萬重人生

得喪豈偶然耶初欽若請獨負謂亦請罷兵及漢唐小人易而前難知欽若與謂者且與沉耳○王曾

正色立朝奏誅雷允恭貶丁謂崖州先是京師

謠曰欲得天下好莫如召寇老欲得天下寧當

拔眼前丁

眼前丁

仁宗名禎真宗子改元天聖九年明道二年景祐四年寶

元二年康定一年慶歷八年皇祐五年至和二年嘉祐八年在

位四十一年壽五十四歲○初劉太后無子李

宸妃生帝劉太后奪以為子真宗崩帝年方十

三劉太后聽政嘗問魯宗道曰唐武后何如主

也對曰唐之罪人也宗道剛直人呼為魚頭參

政○呂夷簡為相帝欲斥附太后者謀于夷簡

夷簡以為然帝語郭后后曰夷簡亦附太后者

并罷夷簡夷簡因憾郭后未幾夷簡再相會尚

楊二美人得幸語侵郭后后忿批其頰誤批帝

奪為子

魚頭參政

呂夷簡相

批帝頰

廢郭后

孔道輔范

仲淹宋庠

余靖尹洙

歐陽修黜

四賢一不肖
詩

李宸妃之殮

頰帝怒以爪痕示執政夷簡遂主廢后議帝從
 之於是孔道輔中丞范仲淹宋庠俱諫官等責夷簡
 夷簡奏黜之後仲淹遷知開封又疏論夷簡復
 黜饒州於是余靖校理尹洙校理等皆以諫被貶黜
 歐陽修校理貶貽書高若訥司諫謂若訥不能救仲淹
 不復知人間有羞耻事修亦貶蔡襄校理作四賢
 一不肖詩以美仲淹靖洙修而刺若訥焉夷簡
 為相人或比之張禹然自劉太后臨朝十餘年
 間天下晏然然夷簡與有力焉李宸妃之死也
 勸劉太后以后服殮實以水銀帝初不知為所

思燒羊

杜富韓范繼
相

五色雲見

富弼使節

生荆王言之謂妃死非命帝號慟尊為太后易
 梓宮視之玉色如生被服如皇太后帝乃待劉
 氏加厚夷簡力也夷簡晚節補過朱子稱之○帝嘗夜思燒
 羊侍臣曰何不取之帝曰恐自此夜供害物多
 矣○帝恭儉仁恕不寵官妾君子在朝開天章
 閣給筆札召輔臣條對時杜衍富弼韓琦范仲
 淹相繼為相行清介有大節弼性至孝篤學有
 大度琦舉進士廷試第二方唱名太史奏日下
 五色雲見仲淹為秀才時以天下為己任帝任
 弼而契丹和任琦仲淹而西夏服○弼之使契

青州荒政

存活五十餘萬

大小范

丹也契丹求割地不許求和親亦不許惟許增
 歲幣初奉使女卒再奉命子生皆不顧得家書
 焚之曰徒亂人意耳卒定和好而還弼嘗知青
 州值河北京東大水流民來就食弼勸所部出
 粟益以官廩得公私廬舍十餘萬區散處其人
 以便薪水凡山林川澤可資生者聽民擅取存
 活五十餘萬人立法簡便周悉天下以為式○
 趙元昊居興州僭號大夏皇帝入寇西邊騷然
 范雍經略西夏懼甚遂罷○范仲淹為招討使
 興營田修堡砦夏人相戒曰小范老子腹有甲

一韓一范

歐陽修等諫官

慶曆盛德詩

兵不似大范老子大范謂知州雍也琦為招討練兵恤
 士邊防肅靜琦命任福禦賊福竟喪師乃達琦
 節度非琦罪也二公經略涇原羌不敢犯邊人
 謠曰軍中有一韓西賊聞之心膽寒軍中有一
 范西賊聞之驚破膽元昊乃求和○帝用歐陽
 修余靖王素恭襄為諫官嘗曰歐陽修者何處
 得來修嘗以請留杜范韓富四公謫之滁州○
 先是帝將召夏竦為樞密諫官論罷之乃用韓
 范執政修為諫官石介作慶曆盛德詩有曰眾
 賢之進如茅斯拔大奸之去如距斯脫易曰拔茅茹連茹

閻羅包老

錢面御史

貶唐介

李師中詩

文彦博減兵

言善類相引難之勇以距距 ○包拯權知開封

戚官歛手語曰關節不到有閻羅包老人以其

笑比黃河清 ○趙抃為侍御史彈劾不避權倖

人呼為鐵面御史 ○唐介侍御史劾文彦博通宮

掖致宰相又用張堯佐堯佐張貴妃伯父也時適除宜徽使帝怒

貶介為英州別駕士大夫以詩送者甚眾李師

中侍詩云孤忠自許眾不與獨立敢言人所難

去國一身輕似葉高名千古重如山並遊英俊

顏何厚未死姦諛骨已寒天為吾皇扶社稷肯

教夫子不生還 ○文彦博嘗建議減兵以為公

私困竭都坐冗兵帝從之彦博之請利其糧也

者一兵之糧實不足供一兵之食糧苦以而兵乃脆弱不堪謂當裁兵額以足兵糧國家無所

也 ○嶺蠻儂智高反狄青大破之青嘗破夏

兵范仲淹時為西帥授以左氏春秋青折節讀

書通古兵法有持唐狄梁公畫像獻青者謂是

青遠祖青曰一時遭際安敢自附梁公郭崇韜

之墓 ○初元昊反王德用樞密使請自將討之言

者論其貌類藝祖遂罷德用 ○帝從宋祁等議

詔立州縣學選宿儒為教授湖州教授胡瑗訓

人有法是時方尚詩賦瑗獨立經義治事齊以

狄青破儂智

高

折節讀書

王德用貌

胡瑗訓法

澤決人心

孫抃舉法

呈身御史

立為己子

韓琦擁立之功

兩昌邑

敦實學詔取其法以為式○帝深仁厚澤決于人心及崩深山窮谷莫不哀號○孫抃御史舉吳中復為御史抃未始識其面或問之抃曰昔人耻為呈身御史今豈薦識面臺官耶

英宗名曙初名宗實太宗曾孫濮王允讓子仁宗無子立為己子改元治平在位四年壽三十六歲○帝在潛邸勤素謹飭仁宗崩曹太后召入帝驚走韓琦等掖留之遂承大統帝憂疑發疾內侍任守忠等讒間兩宮時曹太后聽政問琦以漢昌邑王事琦曰漢有兩昌邑王不知何問

韓琦相業

太后少恩

厲聲撤簾

空頭敕

琦臨大事

曹太后語塞既而向琦流涕具道所以琦曰病故爾琦又進曰臣等在外聖躬若失調護太后不得辭其責曹太后驚曰是何言也我心更切一日帝告琦曰太后待我少恩琦曰父母豈有不慈者帝亦感悟琦欲曹太后還政因自求去以示諷曹太后曰相公不可去我當還宮耳琦即厲聲撤簾帝乃親政一日琦出空頭敕一道歐陽修已簽趙概難之修曰第書之韓公必自有說已而琦謫任守忠斬安置填空頭敕與之即日押行琦慮少緩則中變也琦臨大事喜怒

漢王典禮議

不追尊

王珪歐陽修不合

漢議定

不形修嘗曰百歐陽修何敢望韓公後神宗亦琦定策
○帝詔羣臣議崇奉漢王典禮韓琦謂宜追隆
所生司馬光謂漢宣帝為孝昭後不追尊衛太
子史皇孫光武上繼元帝不追尊鉅鹿南頓君
請準封贈期親尊屬故事封以大國王珪學士等
議漢王為仁宗兄宜稱皇伯歐陽修引喪服大
記以為為人後者為其父母降服期年而不沒
父母之名稱皇伯非禮也琦與曾公亮是修議
呂誨范純仁是珪議於是琦等定議尊漢王為
皇夫人為后帝稱親帝謙讓不受皇后尊號止

富弼與歐陽修絕

理學大興

画地學書

文章冠天下

三蘇

子孫兩相

稱親貶呂誨等於州縣富弼亦與修爭遂辭相
與修絕程伊川嘗云宜稱皇伯父漢國大王○時文章理學燦然
大興若歐陽修蘇洵子軾轍曾鞏周敦頤程
顥顥弟頤張載邵雍後先繼起文學粹然一出
于正修幼孤母鄭教之家貧以荻畫地學書修
學韓愈文文章冠天下洵年二十七始發憤以
所著書見修修曰荀卿之文也修嘗見軾刑賞
論曰老夫當避此人放出一頭地軾亦善屬文
仁宗嘗曰吾為子孫得兩相鞏為文自成一家
修亦重之敦頤道州人聞道甚早作大極圖黃

光風霽月

庭堅謂其胸中灑落如光風霽月敦頤知南康軍築室蓮花峯下其地有溪取所居道州之瀛

二程

溪為號顯頤學于周子顯年十八上書仁宗著

卓然儒者

易春秋傳門人如謝良佐游酢楊時呂大防等皆卓然儒者載始學孫吳繼逃佛老反而求之

邵雍受易

六經嘗坐虎皮講易京師二程至與論易載自謂不及即撤坐雍學于李之才之才受易于穆

資治通鑑

修修受于种放放受于陳搏圖書象數之妙雍獨得其傳雍遇事前知程頤嘗曰其心虛明自能知之○司馬光編資治通鑑起周威烈王迄五季至元豐七年

年一上之凡十九年而成

神宗名頊英宗子改元熙寧年十元豐年八在位十八

年壽三十八歲○帝即位之初謂文彥博曰養

兵備造理財為先卒以新法邊功壞天下○初

理財為先
王安石毀譽

曾鞏以王安石文示歐陽修修延譽之文彥博

薦其恬退未幾帝用安石為相安石嘗與子雱

執拘

廢先儒傳誥不用以春秋為斷爛朝報不列學宮司馬光言安石執拘

不曉事吳奎政斥其自用唐介譏其泥古張方

吳奎等先見

平學士謂不可使居輔弼帝皆不聽初呂誨中丞以

安石姦詐將入對與司馬光並行光察問今日

彈文新參

所言何事曰袖中彈文乃新參也光曰眾方喜得人奈何論之誨曰君實字光亦為是言耶至是

呂誨先見

光服其先見誨將死光往視之呼曰更有以見屬乎誨張目曰天下事尚可以為君

家賊

○呂公弼以安石變法具疏將論之從孫嘉問竊其橐以示安石安石先白之帝怒罷公弼呂氏號嘉問為家賊○鄧綰附安石得官鄉人在都者皆笑罵綰曰笑罵從他笑罵好官還我為之○安石嘗言善理財者不加賦而用足

弘羊說

三司條例司

司馬光曰此桑弘羊欺武帝說也○安石設制置三司條例司行新法一日農田一日水利遣

新法

青苗免役

劉彝程顥等相度賦稅徭役凡得廢田三十六萬一千頃一日青苗以常平糴本春散秋歛取息二分一日均輸便宜蓄買徙貴就賤一日保甲團練五保籍民二丁取一教之戰陣一日免役戶令輸錢雇人充役名為免役役究不免一

保甲保馬

天下騷然

鮮于侁三難

曰市易或質貨產貸之錢而取其息號稱平價實則放債一日保馬願養馬者戶給一匹死病賠補一日方田量其地而分等以定稅時呂惠卿章惇蔡確等皆助安石行新法天下騷然○鮮于侁為利州路轉運副使奉使九年蘇軾稱

一路福星

邵雍言

攻安石

滕甫等貶

韓琦罷

其上_後不害法中不廢親下不傷民以為三難

馬光嘗國除併京東轉運曰此一路福星也○新法之行也吏牽迫

不可為投劾去者頗多有訪于邵雍者雍曰新

法固嚴能寬一分則民受一分之賜矣投劾何

益○言者攻安石甚力安石厲色待之程顥徐

曰天下事非一家私議願平氣以聽安石愧屈

○時滕甫知開封府呂誨范純仁起居舍人劉恕皆以彈

安石被貶蘇轍雖與呂惠卿同事論亦不

合富弼初喜安石及安石參政屢不合韓琦陳

襄直學士院皆以論青苗罷呂公著中丞初稱揚安石

亦疏論之趙抃政參先依違安石至是劾其遣使

騷動安石嘗折抃曰君輩坐不讀書耳抃曰臯

夔稷契何書可讀李大臨知制誥程顥御史蘇軾

范鎮學士韓維歐陽修皆以論新法或罷或貶○

熙寧七年大旱監安上門鄭俠繪流民圖馬遞

上聞曰旱由安石去安石十日不雨乞斬臣帝

覽圖罷新法是日大雨安石求去帝勉留之已

而曹太后泣謂帝曰安石亂天下乃罷安石相

知江寧安石因薦韓絳呂惠卿以自代時號絳

為傳法沙門惠卿為護法善神○惠卿既執政

何書可讀

李大臨等貶

鄭俠上流民

圖

罷新法大雨

安石罷

傳法沙門

護法善神

十一

卷之三

十五

東古官

惠卿售安石

父子怨憤

福建子

王粲大言

議疆事

忌安石復用遂叛安石初司馬光貽安石書曰
諂諛之士公今快之一旦失勢將必賣公自售
至是果如光言後絳與惠卿不合亦罷安石子
粲恨惠卿使鄧綰發其姦利事惠卿訟安石罔
上要君發其私書有母使上知語安石怨粲粲
憤而死安石罷相嘗頌高福建子謂為惠卿○初
安石嘗與程顥語新法粲囚首跣足攜婦人冠
以出大言曰梟韓琦富弼首則法行矣安石遽
止之○先是契丹遣使來議疆事指分水嶺為
界帝使沈括知制誥往議括閱故牘以古長城為

失七百里

辨姦論

似王敦

聞杜鵑

南人相

討夏兵潰

界持不可而還安石勸帝界之自是失地七百
里為異日兵端○方安石窮時自奉甚儉蘇洵
作辨姦論刺之謂王衍盧杞合為一人李師中
謂安石眼多白似王敦必亂天下初邵雍于英
宗時在洛陽天津橋聞杜鵑曰不數年上相南
人天下多事矣客問之曰天下將亂地氣自南
而北洛陽舊無杜鵑今南方地氣至矣至是安
石惠卿亂天下蔡確又相哲宗朝章惇相徽宗朝蔡京相其言皆驗
○帝討西夏兵潰死者數十萬人

哲宗名煦神宗子改元元祐元祐八年紹聖四年元符三年在

女中堯舜

用司馬光呂

公著

司馬光卒

不為四六

呂大防等登庸

位十五年年二十五歲○帝初年高太后為人稱

中堯舜聽政用司馬光呂公著為相力除新法光

居洛十五年神宗崩光入臨民遮道觀曰公無

歸洛留相天子活百姓遼人曰中國相司馬矣

是年卒光嘗曰吾平生無不可對人言者初神

宗以光為翰林學士光辭曰臣不能為四六神

宗曰如兩漢制誥可也且卿能進士取高第而

云不能四六何耶光更新法或勸其防後患光

厲聲曰天若祚宋必無此事○時呂大防相范

純仁相程頤文彥博韓維侍郎蘇軾學士劉摯相蘇

轍侍郎蘇頌射王巖叟史傅堯俞侍郎等相繼登用

宇內復安○范純仁好學帳內置燈帳頂如墨

胡瑗孫復石介等皆與遊司馬光之除新法也

純仁勸以但去其太甚光不從持之益堅純仁

曰是使人不得言耳若欲媚公何如少年合安

石速富貴耶○程頤為崇政殿說書嘗曰天下

治亂繫宰相君德成就責經進進講時多所諷

諫○於是蘇軾與程頤有隙遂分蜀洛朔黨蜀

首軾洛首頤朔首劉摯劉安世時熙豐小人積

怨伺隙諸賢不悟方且各為黨比以相訾議已

帳頂如墨

去泰甚

程頤進講

蜀洛朔黨

東正錄卷之五

章惇相

倡紹述

四凶

復差役

笑面夜叉

追貶司馬公等

流呂大防等

而高太后崩，帝親政，揚畏侍薦章惇，帝遂相惇。

惇引李清臣承左、鄧潤甫承右等首倡紹述，曾布請

改元紹聖，而國是變矣。邢恕者，先從程顥、學博

學，而詐與章惇、蔡確、黃履號四凶，惇引恕助己。

遷恕中丞，初司馬光復差役法，期甚迫，蔡京獨

如約，惇將復免役，以屬京，京做熙寧法，成于友

掌，京與弟卞承左相倚為奸，卞號笑面夜叉，時常

安民史御極論京姦巧，遂被貶，於是惇、京等謂光

等變法，叛道追貶，光與呂公著等官降，太師文

彥博為太子少保，流呂大防、劉摯、蘇轍、范純仁

梁燾、劉奉世等，于嶺南安置，韓維、程頤、范純禮

秦觀等，于諸州竄，范祖禹學士、劉安世侍制于化梅

州，初蘇軾遷學士，高太后曰：「卿今至此，先帝意

也。」先帝誦卿文，必歎曰：「奇才。」軾大哭，太后命撤

金蓮燭，送歸院。至是言者劾軾，撰貶呂惠卿詔，

有云：「始以帝堯之仁，姑試伯鯨，終以孔子之聖，不

信宰予為謗。」先帝貶惠州，移昌化軍。○初高太

后生，神宗與岐王顥、嘉王頊，至是章惇等誣高

太后，先有立岐王意，太后向氏曰：「天日不可誣。」

也。帝乃悟，惇又附劉婕妤，帝遂廢郭后，立婕妤。

蘇軾奇才

撤金蓮燭

貶蘇軾

天日不可誣

竄鄒浩

田畫責言

請發冢

陳璣平舟勢

哲宗無子

為后時鄒浩言右正極諫帝不聽竄浩新州浩對

其友田畫泣畫責曰使志完字浩隱然居京師遇

寒疾不汗五日死矣豈獨嶺海外能死人哉願

君母以此自滿士所當為者未止此也○先是

章惇等請發司馬光呂公著冢斲棺暴屍帝不

允○初章惇入相訪陳璣以當世之務璣以乘

舟不可偏重為喻惇曰司馬光奸邪當先辨璣

曰此非平舟勢也欲平舟勢惟消朋黨

徽宗名佶神宗第十一子哲宗無子佶遂立改元

建中靖國年一崇寧年五大觀年四政和年七重和年一宣

和年七在位二十五年傳位金人入寇北行壽五

十四歲○帝初年向太后權政復司馬光等官

徙蘇軾于內郡初軾以詩被謫其味青苗也曰

手空蕪得兒童語音好一年強半在城中其味

水利也曰東海若知明主意應教斥鹵變桑田

其味鹽禁也曰豈是開詔解忘味爾來三月食

無鹽其味法律也曰讀書萬卷不讀律致君堯

舜終無術或又舉軾咏槍詩云根到九泉無曲

處世間惟有勢龍知以為語涉不臣神宗曰彼

自咏槍事起用程頤陳璣言正鄒浩等罷黜章惇

等初蘇轍謫雷州不許占官舍遂僦民屋惇又

雷州惇至問舍于民曰前蘇公○帝之初政

尚為章丞相幾破我家今不可也○帝之初政

主紹述

謫章惇

起程頤等

何預朕事

蘇軾詩謫

向太后政

十九

王安石追封

稚子牽衣

石工安民

蔡京父子相仇

熙寧之政布又引用京帝遂專任京京復行助
役諸法追封王安石為舒王京挾制人主位太
師帝七幸其第命坐傳觴京謝表有主婦上壽
稚子牽衣抑留而不却之語先是諸賢竄死略
盡京猶恨之乃籍光軾頤百二十人為姦黨刺
石端禮門石工安民曰司馬相公正直民不忍
刺官怒民泣曰乞免鑄安民二字京又重定黨
人共三百九人○蔡京子攸遷學士與京相讐
敵一日攸診京手曰大人脈舒緩得毋不適乎
京曰無之客問故京曰兒欲以疾罷吾耳已而

查員山

歌聲四徹

花石綱

方臘亂

恩府先生

道君皇帝

京罷先是京罷而何執中相大學士陳朝京每
老日以執中為相是猶以查員山也罷輒乞哀無廉耻屢罷屢起京攸每勸帝娛樂
帝侈心大起寵任內侍童貫及蘇州朱勔等置
蘇杭造作局亭臺苑囿禽獸之聲四徹識者知
為不祥勔搜取花石舳艦銜淮汴號花石綱睦
州方臘有漆園造作局酷取之臘因鼓眾為亂
舟相綱一○內侍梁師成偽造詔書蔡京父
子皆諂附之王黼相父事師成稱恩府先生○
楊戩李彥俱內侍括民田增賦十餘萬民不聊生
○帝興道教信用許遜林靈素自稱教主道君

東正舍補

招馬植

皇帝○童貫王黼蔡攸等招燕人馬植易姓名李良嗣

結金伐遼

結金伐遼金使人來議伐遼及歲幣於是詔馬

政武義大夫如金報師期先是高麗求醫詔遣二醫

往及醫歸高麗王語之曰朝廷宜存遼扞遼女

女真虎狼

真虎狼不可交也帝不聽使貫等勒兵應金金

遂有遼地○帝初與金約攻遼欲求石晉賂契

左企弓詩

丹故地及遼滅其降相左企弓獻金主詩曰君

王莫聽捐燕計一寸山河一寸金由是金太宗

止與燕京並薊景等六州其官民金幣盡掃而

宋得空城

去宋惟得空城已而金攻太原入燕山分道入

寇童貫逃歸金兵圍太原郭藥師同知降于金為鄉

梁方平潰

導全燕俱陷帝以梁方平侍內禦之兵潰金兵遂

飢民起

渡河漸逼汴京○連歲凶荒饑民並起為盜有

張仙者眾十萬張迪眾五萬高托山眾三十萬

宋江等降

自餘二三萬者不可勝計○淮南盜宋江等三

十六人橫行河朔帝命討之江降

欽宗名桓徽宗子改元靖康在位二年金人入寇

請禪位

北行○金兵將至徽宗欲東幸李綱請禪位太

子帝遂即位尊徽宗為教主道君太上皇帝○

徽宗如南京金兵退乃還○金遣人議割地李

李綱治戰守

陳東

誅六賊

金議和

种師道入援

罷李綱

綱侍郎言祖宗境土不可尺寸與人當死守綱治

戰守具不數日而畢○太學生陳東上書請誅

蔡京梁師成李彥朱勗王黼童貫六賊於是六

賊皆誅死蔡攸亦誅○金人來議和索金銀牛

馬無算並欲割三鎮地而以宰相親王為質乃

退兵帝皆如其議己而种師道以率師入援請

緩金帛俟其情歸扼而殲之時姚平仲都統恐

功歸師道言于綱請劫金寨金偵知之遂逃去

金來詰違誓之故故帝罷綱以謝之陳東上書

極言綱不可罷帝仍用綱金人懼即挾肅王樞

和戰兩議

引去○金兵之圍汴也李綱种師道主戰李邦

彥太子和邦彥子自是金益輕宋及綱罷師道

卒耿南仲侍郎聞事敗謀金遂遣粘沒喝幹离不

復入寇陷太原等處未幾圍汴城時張叔夜南

都總將兵入援城中兵少於是城陷帝如金軍

奉表請降宰相何棗方會飲都堂既而帝自金

營還凡留大括金銀割兩河以界金兩河民皆

不從金人再邀帝至營帝有難色李若水侍郎勸

帝行帝復如金營遂不還金人逼帝易服若水

抱而哭大罵金人而死金并劫徽宗及后妃太

李若水死節

割兩河

帝降

張叔夜

金入寇

二帝北去

金立張邦昌

悴顏潛泚

男子孕孤坐御榻

康王為質

子等三千餘人北去元祐孟后以廢居私第獲

免於是金人立張邦昌太為帝○金封徽宗昏

德公帝重昏侯徙居五國城帝途次蕭索歎曰

朕一望悴顏四顧潛涕高宗紹興五年徽宗崩二十六年帝崩康

王聞京師不守遂南遷即位應天府初徽宗時

賣青葉男子孕而誕子孤坐御榻皆亡徵也

南宋傳九帝共一百五十二年

高宗名構徽宗第九子都臨安改元建炎四年紹興

三十年在位三十六年退居德壽宮壽八十一歲

○帝初封康王靖康元年張邦昌奉帝為質金

軍金人詰宋違誓用兵之故邦昌懼而泣帝不

為動金異之請更他王乃以肅王樞代之不使其

宋坑不絕乎或曰天留之也然而父兄之體全不思報負心視面留之何為哉徽欽北

行邦昌僭位已而邦昌心不自安乃迎帝于濟

帝至應天帝遂即位尊孟太后為元祐太后遙

尊韋氏為宣和皇后遙尊邢氏為皇

后○久之徽宗使曹勛以手書至曰便可即真

來救父母邢氏亦以環付勛曰幸為我告大王

願如此環得早相見也帝泣○帝畏金以邦昌

為金所立封同安王後李綱極論之乃竄邦昌

帝不為動

邦昌迎帝

遙尊

徽宗手書

環還也

戮邦昌

論戰和

宗澤

李綱罷

南北形勢

宗岳請北伐

潭州賜死○時李綱為相上十事一論中國御
 四夷守然後可戰戰然後可和一論巡幸長安
 為上次襄陽又次建康餘皆國家大計議綱薦
 張所招撫使任河北傅亮副使任河東宗澤留守東
 京綱則西顧關陝南葺襄鄧而黃潛善相汪伯
 彥相疾綱張浚潛善客也亦劾綱帝遂罷綱綱
 嘗言于帝曰自古中興之主起西北足以據中
 原而有東南起東南不能復中原而有西北願
 駕幸南陽再還汴都帝不聽時宗澤岳飛東義郎
 王彥制置使皆請還京北伐皆不聽陳東太學請

殺陳東歐陽澈

宗澤敗金兵

降王善

蒙塵沙漠

宗澤卒

罷汪黃歐陽澈布衣上書斥用事大臣並被殺○
 帝遣使如金稱臣奉表求請二帝金不許○宗
 澤守東京力圖收復大敗金兵金自是不敢犯
 東京金人呼宗河東巨寇王善有眾七十萬將攻
 京城澤單騎至其營激以忠義善遂降澤屢請
 帝還京卒不還澤疏曰祖宗基業可惜陛下父
 母兄弟蒙塵沙漠百萬生靈陷于塗炭今兵足
 氣銳願陛下毋循東晉覆轍潛善等忌阻之澤
 憂憤成疾連呼過河者三而卒自是兩河皆為
 金有矣○帝從潛善等策幸揚州金逼揚州帝

苗劉亂

遂至杭州已而苗傳統劉正彥制作亂斬內侍

劫帝傳位

康履曾擇劫帝傳位皇子專乃退於是張浚侍

與韓世忠等討之傳等夜遁世忠追斬之○時

臨安陷

金兵且至帝先遣人奉孟太后于洪州已而江

西陷孟太后奔虔州未幾金兀朮陷臨安帝航

于海兀朮退乃還臨安孟太后亦還尋崩○兀

鎮江捷

朮北還至鎮江欲渡江韓世忠截之于金山戰

梁氏執梃

于江中世忠妻梁氏親執梃鼓勇兀朮之壻龍

虎大王兀朮窘甚世忠又與兀朮相持于黃天

黃天蕩捷

蕩遇敵舟出以鐵縷貫大鈎曳沈之兀朮窮蹙

兀朮憂甚

所請甚哀世忠曰還我兩宮復我疆土則可相

全兀朮憂甚適有閩人王姓者獻破舟之策以

韓世忠敗

火箭射箬蓬世忠師潰兀朮走是役也世忠以

八千人拒兀朮十萬衆自是金人不敢渡江○

初張浚欲復陝西會汪若海監登院亦語浚曰天

天下蛇勢

下者常山蛇勢也秦蜀為首東南為尾中原為

脊若以東南為首必不能起天下之脊將圖恢

復必在川陝浚遂慷慨請行帝以浚為川陝荆

張浚任川陝

湖宣撫使時王彥曲端統等謂敵鋒甚銳不當

輕舉浚不聽遂進兵敗于富平論者已而浚

殺曲端吳玠等端屢挫金師人謂死非其罪○

富平敗吳玠兄弟富平既敗巴蜀大震吳玠吳玠俱統退保和尚

原金兵分道進收玠分兵敗之兀术憤甚率兵

來戰玠璘以奇兵大敗之兀术繫其鬚而遁玠

復馳饒風關攻之金兵死者山積會小校得罪

奔金道以祖溪間路出關背乘高以闕饒風諸

軍不支遂潰金兵因入興元尋以疫作引還其

後金復攻仙人關璘與玠又敗之金兵乃遁還

金人專意圖蜀玠當其衝蜀賴以安○劉豫者

世業屢少無行舉進士帝使知濟南府豫降于

蜀賴以安

仙人關捷

劉豫廢立

洵沙官

大儀捷

趙鼎經營

勸親征

虞允文等

張浚去

捷懶賂請帝已於是金立豫于大名以河南陝西地與之國號齊徙都汴置洵沙官抵兩京蒙募使子麟姪祝合捷懶兀术入寇韓世忠大破之于大儀未幾金廢豫豫潛立六年○初趙鼎建言經營中原當自關中始經營關中當自蜀始欲幸蜀當自荆襄始吳越介在一隅非進取中原之地帝不聽鼎為相勸帝親征復薦張浚浚亦相二人甚相得鼎薦胡寅呂本忠等浚薦虞允文劉珙王十朋等皆為名臣既而二人論事多不合鼎因罷去未幾浚亦引咎去薦鼎代

無設施

韓張劉岳

助擒殺飛

背鬼軍

武功第一

痕癢刺畫

鼎復相人或議鼎無設施鼎曰今日事如人患
羸當靜養若加攻砭恐傷元氣也已而秦檜擠
鼎鼎乃罷○時張俊韓世忠劉錡岳飛皆名將
也俊討平江淮盜李成等屢禦金人有功第附
檜和議助檜殺飛人以此薄之世忠自金山之
戰威名日著賊人范汝為曹成等作亂皆敗之
大儀之役以背鬼軍持斧斫人胷馬足金人馬
皆斃為中興武功第一嘗抗疏言和議之非効
檜誤國因罷去世忠一身刀痕箭瘢如刻畫然
錡充東京副留守未至聞東京已失遂趨順昌

順昌捷

鐵浮屠

避旗幟

岳飛好春秋

非行伍中人

岳爺爺

金葛王烏祿薄城錡以兵五百夜斫其營兀朮
帥兵來援錡以銳斧犯之殺兀朮鐵浮屠及拐
子馬軍幾盡嗣又戰于柘皋金人望見錡曰此
順昌旗幟也即退走飛好左氏春秋孫吳兵法
宗澤奇之飛詣張所所問能敵幾何曰藥杖曳
柴以敗荆莫教採樵以致絞在謀不在勇也所
曰君殆非行伍中人也巨寇王善與曹成等合
兵五十萬飛以八百人敗之飛與兀朮戰于廣
德戰必捷金人呼曰岳爺爺是時金齊之師日
迫齊遣李成挾金人破襄陽等六郡而湖寇揚

李成敗

除是飛來

委中興之事

擬棄檜

方荀文若

主和議

公一作與齊通飛先使王貴牛鼻擊成成敗去

飛乃移兵向公降公將黃佐遂遣佐招餘賊已

而公來戰飛以草木蔽湖而下公舟不能行舉

遂斬公是役也凡八日初公恃其險飛因疏請

恢復帝謂飛曰中興事一以委卿初秦檜為金

人執去檜于淮上為粘罕草檄金太宗以檜賜

檜懶檜倡為和議檜縱之使還檜與妻王氏

俱歸詭言殺監者奔來帝稱檜樸忠過人胡安

國給言于游酢謂檜才可方荀文若胡安國之

修之薦也帝相之遂主和議曰河北人還金中原

北人將安歸

人還劉豫天下無事矣帝曰朕北人將安歸檜

語塞人以此知檜之姦呂頤浩相劾罷之己而

唾手燕雲

張浚薦之檜復相和議遂決於是飛上疏曰願

定謀全勝期收功兩河唾手燕雲終欲復讐而

誓心天地

報國誓心天地當令稽首以稱藩飛與兀朮戰

鄆城捷

于鄆城遣子雲直貫其陣謂之曰不勝先斬汝

雲大破金兵金屍布野兀朮以拐子馬來飛令

麻札刀

步卒執麻札刀斫馬足大破之兀朮大慟曰吾

海上起兵皆以此勝今已矣雲復往援王貴于

顯昌捷

顯昌以八百騎破金兵十萬殺兀朮壻夏金吾

黃龍痛飲

書生扣馬

十二金字牌

岳岳飛

罷飛下獄

盡忠報告涅

一八

卷之五

東西舍

飛進軍朱仙鎮謂將佐曰直抵黃龍府與諸君痛飲耳兀术欲棄汴去有書生扣馬曰太子母走岳少保且退古未有權臣在內大將能立功于外者兀术乃留己而擒果欲畫淮北與金和一日發十二金字牌召班師飛泣曰十年之功廢于一旦乃還既而兀术遺檜書曰必殺飛始可和檜遂謀殺飛會張浚亦誣飛檜遂罷飛官使俊誘王俊統制誣告張憲統制得雲手書謀據襄陽俊鞠之憲不伏檜矯詔下飛父子獄飛以背示何鑄中有舊涅盡忠報國四大字鑄察其冤

世忠結會

莫須有

岳岳家軍難

文臣不愛錢

趙鼎謝表

老倔強

以白檜檜曰此上意也檜改命音高萬音角議大夫音角傳會其獄韓世忠心不平詰之檜曰事莫須有曰莫須有三字何以服天下檜竟手書小紙付獄飛遂死雲憲棄市飛事母孝撫下有恩謀定後戰敵嘗曰撼山岳易撼岳家軍難張浚嘗問用兵之術飛曰仁信智勇嚴關一不可或問何時太平飛曰文臣不愛錢武臣不惜命天下太平矣時趙鼎張浚皆竄鼎謝表曰白首何歸張餘生之無幾丹心未泯誓死以不移檜曰此老倔強猶昔必欲殺之鼎自作銘旌曰身騎箕

一八

卷之五

東西舍

趙鼎錫旌

時政論

塵視天下

松柏獨秀

胡銓封事

斬三人頭

尾歸天上氣作山河壯本朝遂不食卒浚亦徒

永州○胡安國上時政論被貶安國志在康濟

時艱而蕭然塵視天下無一物足以嬰其心嘗

曰浮世利名如蟻蠊過前耳謝良佐嘗曰胡康侯如大冬嚴雪百

草萎死而松柏挺然獨秀者也○先是檜主和議王倫侍郎成之

胡銓編修抗疏曰金以詔諭江南為名是欲臣

妾我也欲劉豫我也陛下屈膝就令金決

可和盡如倫議天下後世謂陛下何如主檜導

陛下如石晉參政孫近徒取充位願斬三人頭

卒之藁街然後羈使興師士氣百倍不然臣有

小朝廷

募千金

張守上疏

思二帝母后

思之又思

赴東海而死寧能處小朝廷求活耶金人募其

書千金後孝宗朝銓再論和議曰和成可弔者

切○張守嘗上疏略云陛下處宮室之安則當

思二帝母后穹廬毳幕之居享膳羞之奉則當

思二帝母后羶肉酪漿之味服輕煖之衣則當

思二帝母后窮邊絕塞之寒苦操予奪之柄則

當思二帝母后語言頻笑受制于人享嬪御之

適則當思二帝母后誰供使令對臣下之朝則

當思二帝母后誰為尊禮思之又思天亦助順

詞甚激切○晏敦復嘗論黜和議檜使人諷

老愈辣

擅專政

一德格天扁

金亮集立

金遷汴

立馬吳山

金南侵

諭之敦復曰薑桂之性到老愈辣勿復言○檜專政一十八年和議既成紹興九年歸地十二年歸梓宮太后檜自頌功如太師帝書一德格天扁其閣檜無子養妻兄王暎子煇為子當時名賢良將竄誅略盡○金完顏亮弑金熙宗自立大殺宗室金太宗粘沒喝後遂絕并殺撒离喝夷其族亮自燕遷汴為都嘗令畫工寫臨安湖山圖其像題詩曰提兵百萬西湖上立馬吳山第一峯至是渝盟南侵起兵六十萬趣臨安攻荆襄陷兩淮陳康伯相贊帝親征劉錡戰于

皂角捷

采石捷

大功出儒生

戒石銘

親見民苦

皂角林身陷重圍下馬死戰大敗之其亮兵自海道入者李寶副總以火箭射之敵大敗已而亮有內變渡采石虞允文中書舍入參謀軍事以計擊敗之亮乃焚舟還揚州允文六歲誦九經七歲能屬文劉錡謂允文曰朝廷養兵三百年今大功出儒生我輩愧死矣允文後相孝宗○金葛王烏祿即位遼陽是為世宗亮至瓜州為其下所殺○宋嘗頒黃庭堅所書戒石銘于州縣令刻石文曰爾俸爾祿民膏民脂下民易虐上天難欺○先是帝在河朔親見閭閻之苦嘗歎知縣不得其

定差役法

人民一充役即至破家於是定差役法

孝宗名瑋太祖七世孫高宗立為己子改元隆興

二乾道九淳熙十六年在位二十七年傳位太子

銳志恢復

惇退居多重華宮壽六十八歲○帝初年銳志恢復

復召用張浚遣李顯忠招復靈壁宿州而師遂

潰金人亦解去自是復議和時湯思退相謀去

忠君愛國

浚浚遂罷浚忠君愛國終身不唱和議人以其

詆李綱殺曲端少之○帝遣人如金易表為書

金為叔

稱金為叔○是時道學大興若朱熹修張栻侍郎

呂祖謙著作陸九齡教授陸九淵知荆門其最著也

朱熹封事

熹從李侗學侗學于羅從彦學于楊時得伊洛之正傳熹

上封事言四海利病繫斯民之休戚斯民休戚

繫守令之賢否監司守令之綱朝廷者監司之

社倉法

本熹嘗假常平米六百石為社倉于鄉夏貸粟

夏貸冬息

冬加息以償歎則蠲息之半大饑則盡蠲之行

之十四年還原米外得息三千石有零自後不

天下賴之

復收息每石但收耗米三升上其法于朝天下

賴之熹劾唐仲友知州忤王淮相淮與仲友為姻家淮始謀

禁道學淮罷周必大相薦熹為江西提刑熹入

奏事或曰正心誠意上所厭聞熹曰吾平生所

正心誠意

東燭讀

呂祖謙等

鸞湖

白鹿洞

學惟此四字嘗上封事六條帝已寢亟起秉燭讀之帝嘗言難得節義之臣拭曰當于犯顏敢諫中求之祖謙少下急及誦躬自厚章平時忿懷渙然冰釋九齡穎悟力學為教授時有寇警九齡主義社為調度屯禦法人倚為重九淵有異稟在鸞湖與熹講學術異同辭甚厲又在白鹿洞講君子喻義章聽者泣下在官之日政行俗變

光宗名惇孝宗子改元紹熙在位五年傳位太子移居壽康宮壽五十四歲○帝制于李后鸞疑

離間兩宮

成疾官者陳源等離間兩宮孝宗崩帝竟不行喪禮

寧宗名擴光宗子改元慶元年六嘉泰年四開禧年三嘉

定年十七在位三十年壽五十七歲○光宗疾作

趙汝愚定策

趙汝愚相憂之議以憲聖太后旨禪位帝而在

廷無可內白者乃遣韓侂胄知閣門事因內監關禮

社稷有主

白之憲聖復曰可帝乃即位社稷有主汝愚力

也汝愚為相裁抑僥倖中外望治而侂胄官太師

侂胄弄威福

恃定策功竊弄威福汝愚竟貶死天下冤之侂

由竇尚書

胄生辰許及之尚書後至自門闌隙入人謂由竇

東西... 卷之五

卷之五 三十一

聞犬吠

獻松壽

儒戲

偽學籍

朱熹罷

尚書侂胄飲南園過山莊曰此真田間氣象但
 欠犬吠鷄鳴耳俄聞犬吠聲視之乃趙師異侍
 也諸生為詩嘲之有曾學犬吠村莊之句師異
 宋宗室也程松諫議大夫市妾名松壽獻侂胄侂胄
 曰奈何與子同名曰欲使賤名常達鈞聽朱熹
 嘗進講疏論竊柄者指侂胄也侂胄使優人裁
 冠闊袖像大儒戲帝前熹遂罷於是侂胄改道
 學為偽學六經四書為世大禁侂胄又置偽學
 籍汝愚周必大彭龜年葉適等凡五十九人並
 絕其進用於是削熹官竄其門人蔡元定于道

呂祖泰請誅
侂胄

金入寇

函侂胄首

蒙古興

州元定忍飢讀書熹嘗曰此吾老友不當在弟
 子列元定嘗訓諸子曰獨行不愧影獨寢不愧
 衾○處士呂祖泰請誅韓侂胄詔配祖泰欽州
 ○自孝宗以來與金通好四十餘年侂胄復開
 邊釁乃以伐金於是金分九道入寇蜀漢皆陷
 侂胄懼遣使求和金欲宋割地稱臣並獻首禍
 之臣侂胄怒欲復用兵史彌遠侍郎殺之函其首
 以畀金稱金伯增歲幣時人為詩曰歲幣頓增
 三百萬和戎又送一於期○是時蒙古漸強蒙
 古元之先國號也在女直北其酋鐵木真稱皇

趙方破金兵

催科撫字

史彌遠專權

殺皇子竑

帝金數被其侵國勢益衰金地上有汴陝金人

將南侵拓土趙方制置使抗疏請戰方遣孟宗政

鈴扈再興制統大破金兵于棗陽方嘗知青陽縣

告人曰催科不擾即催科中撫字刑罰無差即

刑罰中教化

理宗名昀初名與莒賜名貴誠太祖十世孫改元

寶慶三紹定年六端平年三嘉熙年四淳佑年十二寶佑

六開慶年一景定年五凡在位四十年○先是史彌

遠權勢熏灼皇子竑憾之書于几曰彌遠當決

配八千里彌遠遂殺竑立帝○李全鎮作亂

趙范英破李全

降蒙古寇揚州趙范趙葵皆趙方子大敗之○真德

秀侍郎魏了翁起居皆大儒也遂于理學直聲震

朝廷彌遠皆惡之梁成大御苟賤無耻與李知

孝同為彌遠鷹犬成大尤貪邪知孝亦鄙之曰

吾懼他日與成大同傳成大目真德秀為真小

人魏了翁為偽君子其無忌憚如此○史彌遠

死帝始親政時德秀了翁皆起用朝廷清明未

幾史嵩之當國毒害正人德秀了翁復罷○元

鐵木真卒子窩闊台立約宋滅金帝遣孟珙制

使會攻破之金哀帝自縊死金元帥叛金降元

崔立叛

遣孟珙

朝廷清明

彌遠鷹犬

青城之報

金古

劉銳闔門死

余玠求士

孟珙忠君

無庵居士

趙葵辭相

關馬丁當

西湖燈火

二陸

陳十弊

盡執金后妃諸王送元元擄去青城即前金人
 俘宋地也在道艱楚萬狀更甚于徽欽時焉○
 元既滅金北去宋欲乘時復三京取洛陽蒙古
 以宋敗盟遣將破陽平關劉銳知文闔門飲藥
 銳家素有禮六歲子跪而受藥軍民感動死者
 無數○時余玠制置使屯兵聚糧築招賢館以求
 士○孟珙大興屯田敵至則戰退則耕珙忠君
 體國臨將吏面色凜然無敢涕唾者退則掃地
 焚香隱几危坐遠貨色絕滋味尤邃于學自號
 無庵取虛無之義○趙葵拜右相言者論葵非

由科目出身且曰宰相須用讀書人葵因力辭
 ○帝寵宦官盧允升董宋臣而閹貴妃馬天驥
簽丁大全詞表裏為奸有人書于朝曰關馬丁
 當國勢將亡○元忽必烈圍鄂州賈似道相稱
 臣納幣會元憲宗計至忽必烈引還似道詐奏
 大捷○帝每見西湖燈火異常曰此必賈似道
 也○帝贈陸九齡等官謚九齡九淵兄弟為師
 友學者稱二陸沈煥學于九齡嘗曰晝觀諸妻
 子夜卜諸夢寐兩者無愧始可言學○初陳垓
御史言民命與國脈相維疏陳十弊詞極懇切

度宗名禔理宗之姪改元咸淳在位十年壽三十

五歲○帝以賈似道有定策功寵任甚專似道

起似道

嘗棄官歸容令人報元兵來侵帝懼手詔起之

拘郝經

先是理宗朝元遣郝經修好似道恐洩求和事

幽之真州卒為兵端元寇襄陽似道置不問起

關蟬

樓閣亭榭與羣妾關蟬○元遣伯顏張弘範

舉兵南下似道奔揚州乃謫似道于循州鄭虎

臣會誓押之行似道至洛陽橋遇葉季自漳州

天理昭昭

放還李贈詞云余歸路君來路天理昭昭胡不

悟似道俯首謝焉已而鄭虎臣殺之○元圍潭

尹穀行冠禮

州尹穀進知事不可為乃為二子行冠禮或曰

何迂也曰欲令兒曹冠帶見先人于地下耳既

畢禮與家人自焚○時汪立信招李芾李庭

文天祥勤王

芝相江萬里相皆死○文天祥江西起兵勤王

陳禦敵之策○伯顏詩云馬首徑從庾嶺歸王

挿梅花

師到處悉平夷擄頭不帶江南物只挿梅花一

兩枝以示秋毫不犯之意矣

恭宗名焜度宗次子改元德祐帝立時年四歲在

位僅二年○元兵破獨松關陳宜中相遣人求

和伯顏不許曰汝國得天下于小兒失天下于

得于小兒失于小兒

小兒尚何言文天祥相張世傑都統請背城一戰
宜中不從伯顏以帝及謝太后北去使帝為僧
後殺之

端宗名昀度宗長子楊淑妃出帝即位于福州時

年九歲尊妃為太后改元景炎在位三年○帝

欲往占城國陳宜中請先往諭意遂逃去帝溺

水得驚疾遂崩○陳文龍知軍被執元欲降之文

龍指其腹曰此皆節義文章也可相逼耶不食

死○元人發紹興諸陵及大臣冢會稽義人唐

珏夜收陵骨葬蘭亭山後植冬青樹於其上以

殺帝

陳宜中逃占城

陳文龍不屈

唐珏收陵骨

識之

帝昀度宗幼子時年八歲改元祥興在位二年○

端宗既崩陸秀夫制置使曰度宗一子尚在遂立

帝昀遷厓山時秀夫猶日書大學章句以勸講

已而張弘範兵至厓山張世傑曰頻年航海何

時已遂焚行朝草舍奉帝入海州決死戰元兵

薄之秀夫驅妻子入海負帝赴海死楊太后大

慟曰我忍死至此者為趙氏一塊肉耳今無望

矣亦赴海死世傑將別立趙氏會颶風作歎曰

天若不祚宋則風覆我舟舟隨覆世傑死○文

遷厓山 講大學

陸秀夫負帝 沒海 趙氏一塊肉

張世傑死

天祥被執

李羅見天祥

一部十七史
從何處說起

去者非賣國

天祥屯兵于潮陽元兵襲之走海豐天祥方飯
被執吞腦子不死張弘範送之燕天祥道經吉
州痛恨不食八日猶生乃復食天祥至京丞相
李羅召見天祥長揖李羅使跪天祥不屈曰天
下事有興有廢願早求死李羅曰汝謂有興有
廢且問盤古至今幾帝幾王曰一部十七史從
何處說起吾今非應博學鴻詞也李羅曰古來
有人臣將土地與他國而復逃者乎曰奉國與
人是賣國之臣也賣國者有所利而為之必不
去去者必非賣國者也吾前奉使軍前尋被拘

所以不死者

社稷為重

盡吾心耳

坐臥小樓

殺文丞相

執國亡當死所以不死者以度宗二子在浙老
母在廣耳李羅曰棄德祐而立二王忠乎曰德
祐吾君也不幸失國當此之時社稷為重君輕
吾別立君為社稷計也從懷愍而北者非忠從
元帝者為忠從徽欽而北者非忠從高宗者為
忠李羅語塞曰立二王究何益曰盡吾心焉耳
已而下天祥于獄天祥留京三年坐臥小樓足
不履地元世祖欲用之使人諭之天祥不從元
世祖欲釋之忽中山狂人自稱宋主欲取文丞
相元乃殺天祥于燕京之柴市其衣帶中有贊

卷之五 遼 三十九 東西 借 藏

庶幾無愧

負骨歸葬

曰孔曰成仁孟曰取義惟其義盡所以仁至讀聖賢書所學何事而今而後庶幾無愧張毅甫負天祥骸骨歸葬吉州會家人亦自惠州昇母夫人柩同日至人以為忠孝所感云

遼傳九主共二百一十四年

遼太祖姓耶律氏初名阿保機後改名億建元神冊天贊在位十一年○遼本鮮卑遺種元魏時始號契丹至太宗大同元年改國號遼初唐太宗時有摩會者來降其帥窟奇請內屬拜松漠都督置府營州後分八部懿宗時

鮮卑遺種

分八部

拜為兄弟

号天皇

述律氏

惟拜人

割幽薊十六州

遂有稱王者梁時太祖為王漸滅七部北侵女直西取突厥嘗寇雲州晉王克用與之和拜為兄弟約共擊梁太祖背盟克用恨之後唐時太祖稱皇帝號曰天皇王后述律氏勇決常預軍謀母姑拜路榻受之曰吾惟拜天不拜人

遼太宗名德光太祖第二子改元天顯會同大自在位二十一年○太宗滅唐冊立石敬瑭為皇帝敬瑭割幽薊十六州以與太宗既而太宗復滅晉執晉出帝以歸行至殺狐林名

死孤嶺在樂城縣而殂時天熱國人剖其腹實以鹽

帝紀

載歸謂之帝紀

遼世宗名阮初名元欲改元天祿在位五年燕

述軋篡

王述軋弑之而自立

殺述軋

遼穆宗名璟初名述律殺述軋即位改元應曆

在位十九年○穆宗每夜酣飲日中方起國

睡王

人謂之睡王庖人辛古弑之

遼景宗名賢世宗次子改元保寧乾亨在位十

四年

復号契丹

遼聖宗名隆緒景宗子復號大契丹改元統和

澶州敗

開泰太平在位四十九年○聖宗冲年踐祚

蕭太后專國時大舉入宋戰于澶州挫衄宋

真宗渡河聖宗遣使請盟以兄禮事宋

遼興宗名宗真聖宗子改元景福宗興重熙在

位二十四年○宋遣孔道輔使于遼興宗宴

以文宣王為戲

道輔優人以文宣王為戲道輔艷然正色曰

孔道輔使節

中國與北朝通好以禮相接今優人侮先聖

不和無害

而不禁北朝之過也興宗酌大卮謂曰天方

寒飲此可致和氣道輔曰不和固無害興宗

益加禮焉興宗性孝聖宗死百官請以日易

終喪三年

復号遼

齋三十六萬

僧沈括使

割與新疆

誣蕭氏

月興宗不許終喪三年

遼道宗名洪基興宗子復國號遼改元清寧太

康太安壽隆在位四十七年○道宗好浮圖

歲齋僧三十六萬○時遼與宋爭地界遼遣

蕭禧執分水嶺之說宋遣沈括報聘凡六會

竟不可奪繼而宋神宗聽王安石言使韓鎮

割新疆與遼○道宗娶蕭氏姿容冠絕工詩

立為后生太子濬時乙辛專政忌后明敏誣

后與伶官趙惟一私通賜后自盡並誣殺太

子濬

內色外禽

海東青

阿骨打反

天祚為擒

蕭文妃死

金陷遼

遼天祚帝名延禧道宗孫改元乾統保大在位

二十四年○天祚荒亂內色外禽自椽國本

會宋于遼市珠珠出女直天祚嗜利求珠無

厭女直產名鷹曰海東青天祚歲求之女直

苦之阿骨打乃叛遼會宋徽宗遣童貫結好

女直議夾攻取燕雲天祚走夾山遺傳國璽

于桑乾河繼為金所擒○先是蕭文妃見天

祚不道金兵日逼作歌諷諫銜之卒以讒死

○天祚之走也燕王耶律淳稱帝淳死妻蕭

氏專國事繼而金陷遼蕭氏出奔天德宰相

左企弓奉表降遼與五代北

西遼共八十八年

大石西行

耶律大石遼世祖祖疑八世孫也因遼亡西

蕭氏監國

行建都城僭稱天祐帝號延慶康國凡二十

年○太石殂子幼遺命蕭后塔不煙監國后

稱制號感天皇后僭號咸清凡七年太后子

普速完權國

彝烈嗣僭稱仁宗號紹興凡十三年彝烈妹

普速完權國號承天皇后僭號崇福凡十四

西遼亡

年彝烈子直魯古嗣僭號天禧凡三十四年

陽其事

金傳九主共一百二十年

更名昊

金太祖姓完顏名阿骨打更名昊滅遼稱帝建

女直部落

元收國天輔在位八年國號金○金本女直

古肅慎

部落遼女直本號女真後避女直古肅慎氏在地

混同江東長白在南者附契丹號女直在北

白山黑水

者有白山黑水不附契丹號生女直生女直

自烏古廼擒遼叛將獻遼遼授為生女直部

節度使始建官屬遞傳至太祖苦遼暴虐與

敵兵滿萬不可

宋徽宗連師滅遼先有人言女直兵滿萬則

女直字

虎視中原

執二帝

縱酒嗜殺

兀撒南侵

於是除遼法省賦稅製女直字國勢益強

金太宗名吳乞買更名晟太祖弟改元天會在位十二年○太宗虎視中原推鋒陷陣渝盟南侵兩陷汴京執宋徽宗欽宗以歸宋帝后妃嬪金寶圖書盡挈而北

金熙宗名亶太祖孫改元天會天眷皇統在位十四年○熙宗受制于后裴滿氏縱酒嗜殺時兀朮撒離喝分道南侵為吳璘劉錡岳飛等所敗

金廢帝名完顏亮熙宗弟弒熙宗而自立改元

弒母與兄

毳毳塞江

海陵主

寬仁節儉

罷推場

選名士

天德貞元正隆在位十二年○廢帝暴虐浮于桀紂弒太后屠宗室立意南侵戎氈毳毳塞滿江淮會世宗已立于遼陽下詔暴亮罪惡亮行至瓜州為軍士所弒降封海陵王

金世宗名烏祿更名雍太宗孫改元大定在位二十九年○世宗寬仁節儉與宋講和南北相安者二十年○世宗謂宰臣曰夏國以珠玉易我絲帛是以無用易我有用也命罷推場○時廷試士人世宗謂宰臣曰向來御試賦題皆士人嘗擬作者頃朕自選一題出人

中選多名士

南侵

鐵木真興

童子科

神童二劉

試詩賦

不料故中選者多名士而庸才不與

金章宗名璟世宗弟改元明昌承安泰和在位十九年○宋韓侂胄定議伐金金遣僕散揆分道南侵江表大震宋遣使請講好揆欲宋獻首禍之臣宋函送侂胄首以謝罪○是時蒙古鐵木真稱帝是為元太祖○金制有童子科初天會中童子劉天驥七歲能誦五經至是有童子劉住兒十一歲能賦詩誦六經行草書皆有法尤有孝行章宗召至內殿試鳳凰來儀賦魚在藻詩又令賦憂旱詩章宗

大嘉賞

元兵日盛

中都陷

濟河戰敗

宋為謀淺

金衛紹王名永濟世宗第七子改元大安至寧在位五年○時元兵日盛金屢求和元不許金宣宗名珣章宗兄改元貞祐興定元光在位十二年○元陷中都金地日削金哀宗名守緒宣宗子改元正大興在位十年為元所滅○哀宗濟河與元戰敗哀宗奔歸德府尋奔蔡州○哀宗使完顏阿虎帶如宋乞糧諭之曰宋人負朕深矣彼為謀亦淺元人滅國四十以及西夏夏亡及于我我亡

唇亡齒寒

亦為彼也

崔立亂

送青城

蒿萊滿目

毒皆身受

必及于宋唇亡齒寒自然之理若與我連和所以為我者亦為彼也卿其以此意曉之阿

虎帶至宋宋不許○金汴京西面元帥崔立作亂以城降于元執梁王從恪荆王守純太

后妃嬪宮女凡三十六輛宗室男女五百餘人盡送青城即昔年金人俘宋之青城也元速不臺殺二

王及族屬而送后妃等于和林在途苦楚比宋徽欽時尤甚○哀宗如蔡州避雨雙溝寺

中蒿萊滿目無人迹歎曰生靈盡矣已而自經死金亡而宋亦隨之矣宋助金以滅遼又助元以滅金孽由自作毒皆身受多

西夏共一百九十五年

元昊稱帝

黨項歸唐

討黃巢功

繼遷叛

元昊反

元昊更名曩霄契丹冊為西夏王已而稱帝于夏州號景宗在位十一年○西夏本黨項

拓跋氏唐初以地歸太宗為西戎都督唐末拓跋思恭以討黃巢功封夏國公賜姓李宋

時繼捧獻地太宗命為定難節度西夏今陝西寧夏賜姓名趙保忠其從弟繼遷叛宋

乃定難節度乃定難節度趙保吉保吉死子德明嗣元昊德明子也西

降契丹契丹封為夏王已而降宋賜姓名曰趙保吉保吉死子德明嗣元昊德明子也西夏屢代皆宋節度至元昊始叛德明嘗止之

錦綺來恩

降蒙古

曰吾族三十年錦綺皆宋恩也元昊殂子諒
 祚嗣號毅宗在位二十年諒祚殂子秉常立
 號惠帝在位十九年秉常殂子乾順嗣號崇
 宗在位六十二年乾順殂子仁孝立號仁宗
 在位五十五年仁孝殂子純佑嗣號桓宗在
 位十二年為安全所廢安全乾順孫也號襄
 宗降于蒙古族子遵項嗣號神宗奔西涼子
 德旺嗣號獻宗德旺殂姪現嗣是為南平王
 為蒙古所滅

漢代十八史略卷之五附三史畧終

館籍書會育教本日大

室 第

	一		四
七	八	二	五
冊	號	架	函